

九法界 帶權圓菩薩竝教主乃至法華迹門教主總本門壽量教主除外不聞本門當體蓮華之名。何況證得耶。開三顯一無上菩提蓮華尙四十餘年不顯之。故無量義經終不得成無上菩提者迹門開三顯一蓮華爾前不說之云也。何況開近顯遠本地難思境智冥合本有無作當體蓮華迹化彌勒等可知之耶。問何以得知爾前圓菩薩迹門圓菩薩不證得本門當體蓮華云事。答爾前圓菩薩不知迹門蓮華。迹門圓菩薩不知本門蓮華也。天台云權教補處不知迹化衆。迹化衆不知本化衆文。傳教大師云雖是直道不大大直道云云。或云未知菩提大直道故云云。此意也。爾前迹門菩薩一分雖有斷惑證理義分對本門之時當分斷惑非跨節斷惑被云未斷惑也。然者菩薩處處得入釋嫌二乘之時與一往得入名也。故爾前迹門大菩薩證得佛蓮華事本門時也。眞實斷惑聞壽量一品時也。天台大師涌出品釋五十小劫佛神力故令諸大衆謂如半日文云解者卽短而長見五十小劫。惑者卽長而短謂如半日文。妙樂受之釋云菩薩已破無明稱之爲解大衆仍居賢位名之爲惑文。釋意分明也。爾前迹門菩薩惑者也。地涌菩薩獨解者也云事。然而當世天台宗人中論本迹同異時無異云此文料簡解者中迹化衆入云大僻見也。經文釋義分明也。何可爲橫計如文

①〔分〕一節 ②釋＝見節 ③〔故〕一節 ④見十〔於〕節 ⑤〔義〕一節 ⑥計十〔耶〕節